

Snimljen spot z pjesmu "Za bolje sutra".

, poslao Administrator
Nedjelja, 15 Oktobar 2006

31.08.06. – Alma Ćardžić je završila snimanje novog spota za pjesmu pod nazivom "Za bolje sutra". Pod rediteljskom palicom Branka Vekića spot je snimala ekipa TV HAYAT. O Alminom izgledu se kao i uvijek u zadnje vrijeme brinula Marina Božanić koja je za Almu osmislila cijeli stajling.

O frizuri se pobrinula Sanela Herceg i to je pokraj modernih kreacija firme "Heppening" koje je Alma nosila u spotu, sigurno dobitna kombinacija. Spot je ujedno i najava novog Alminog CD-a koji bi se trebao naći i u prodaji u drugoj polovini mjeseca septembra u izdanju Muzičke produkcije JS BiH. Album će nositi naziv po već objavljenoj pjesmi "Navikla na ljubav" i na njemu će se naći ukupno 10 pjesama i dva video spota.

Autori na novom CD-u su većinom i prije surađivali sa Almom tako da su tu: Armin Ćaković, Marko Tomasović, Indira Salihović i Damir Ćardžić. Veoma lijepu i interesantnu baladu pod nazivom "Drugo ja", napisala je Emilija Kokić (koju već inače poznajete kao pobjednicu na Eurosongu, kada je nastupila sa grupom "RIVA") za koju je muziku uradio Marko Tomasović.

Pjesma je urađena u unplugged verziji uz klavir, akustičnu gitaru i violončelo. Svakako, tu se ne smije zaboraviti i Ismet Polovina, autor već sigurno velikog hita, pjesme po kojoj je nazvan i album "Navikla na ljubav". Veliki doprinos na albumu je dao i Ibrahim Alibegović koji je na albumu potpisan pod nekoliko aranžmana zajedno sa Damirom Ćardžićem.

U snimanju albuma su učestvovali i Željko Zuber, Mujo Behmen, Samir Mujagić -SMS, koji su dali veliki doprinos kao muzičari kao i Maja Hodžić kao pratilac i vokal na pjesmi "Za bolje sutra".

Spot za pjesmu "Za bolje sutra" će se iduće sedmice početi emitovati po TV stanicama širom BiH.